





1729, 21 ^{1/2}

24

FACULTATIS JURIDICÆ
DECANVS,
JO. PHILIPPVS
Streit, JCVS,

EMINENTISSIMI AC SERENISSIMI PRINCIPIS
ELECTORIS MOGVNTINI CONSILIA-
RIVS REGIMINIS,

L. B. S.


ERFORDIÆ,
Typis GROSCHIANIS, Acad. Typogr.

UNIVERSITÄT WÜRZBURG
PHILIPPUS
RECTOR MONTANI CONSILII
MONTANI CONSILII

L. A. 2

ERFORDIA
THEOPHILUS MONTANI





Jus Patronatus, uti ad propositum spectat, est jus, sive potestas nominandi, sive presentandi aliquem idoneum ad beneficium Ecclesiasticum vocans. ita communissime Doctores. Dividitur in Ecclesiasticum, saeculare & mixtum. prout colligitur ex cap. cum autem 24. X. de jure Patronat. in verbis: si laicus fuerit, cui competit Jus presentandi. Ecclesiasticum est, quod personae Ecclesiasticae competit, nomine vel ratione Ecclesiae, capituli, vel monasterii, non attento, quod originem ex bonis patrimonialibus laici traxerit, qui id Ecclesiae potuit donare. saeculare, sive laicale est, quod collegio non sacro, vel personae privatae, sive laico, sive clerico competit ex patrimonio, successione paterna, vel alio titulo saeculari. covarr. pract. Quest. cap. 36. n. 2. Mixtum quod partim ratione Ecclesiae, partim patrimonii alicui competit. Et hoc subdividi potest, in hereditarium & familiare: prius est quod transit ad quoscunque heredes etiam extraneos; familiare vero, in quo tantum succedunt illi, qui sunt de sanguine & familia fundatoris. In dubio inspicienda sunt verba foundationis, an facta fuerit mentio familiae & descendantium, nulla facta mentione heredum & descendantium, intelligitur etiam familiare. si neutrorum meminerit, praesumitur hereditarium. Braun. in princ. jur. can. ad tit. de jur. patronat. Aliam divisionem dat. Zoësius dict. tit. n. 3. in fin. dum ait:
) 2
posset

posse & jus Patronatus aliud dici *personale*, quod persona competit, aliud reale, quod castro, vel pradio, aut similibus bonis cohæret, & non ad heredem tantum, sed quemcunque possessorem castri, pradii aut ejusmodi bonorum transit. Aliud denique est *activum*, per quod fit, ut beneficium conferri nequeat, nisi talis vel talis præsentet. *passivum*, quando certi de aliqua familia sunt præsentandi, nec alius extraneus præsentari vel institui potest, quamdiu idoneus clericus de familia adest: Et de hoc posteriori non est in proposito magna quæstio, cum fundatoris intentio præ omnibus sit attendenda. *Konig ad de r. de jure Patronat. n. 9.* An verò jus Patronatus sit simpliciter spirituale, an verò potius temporale? R. utrumque probabiliter defendi posse. Quod sit simpliciter spirituale, probatur ex eo, quia primum est spirituale ex parte principii; trahit enim originem ex spirituali & Ecclesiastica potestate, quæ beneficia instituit. 2do etiam est spirituale ex parte actus, & objecti seu termini; quia ordinatur, ut fiat præsentatio ad beneficium, quod est jus spirituale, per quam præsentationem fit proximè capax præsentatus beneficii; nam si idoneus sit, debet ab Episcopo institui. *cap. significasti. 18. de r.* Quod verò jus Patronatus non sit mere & simpliciter spirituale, sed temporale, annexum tamen spirituali, docet Glossa in *cap. Quanto. 3. verb. connexa. X. de judic. & plerique canonista*, & probatur ex *cap. de jure. 16. X. de jur. patronat.* in quo dicitur. *jus patronatus est spirituali annexum.* inde inferunt: ergo in se non est spirituale. illud enim jus tantum ordinatur tanquam præambulum ad jus spirituale obtinendum, scilicet institutionem in beneficio. Quamvis verò præparatio & dispositio ad finem spirituales ut spirituales. id tamen tunc procedit si sit præparatio & dispositio proxima, secus si remota tantum. Acquiritur verò jus patronatus tribus potissimum modis, fundatione, constructione, & dotatione. Fundare Ecclesiam dicitur, qui fundum dat vel assignat, in quo Ecclesia construatur. *cap. 2. caus. 18. q. 2. & cap. nobis X. d. r.* construere Ecclesiam dicitur, qui eam sumptibus suis ædificat, aut penitus destructam & dirutam, ut repara-

ta novâ consecratione egeat, denudò reedificat; alioquin
reficiens Ecclesiam sic non destruciam non efficitur Pa-
tronus. *Glos. in cap. 3. d. t. & nota impluribus decis. apud Gar-
ziam. j. p. c. 9. n. 51.* Dotare denique dicitur is, qui tales re-
ditus assignat Ecclesia, per quos divina officia ac ministri-
orum congrua sustentatio haberi valeat: hinc dotans insub-
ficienter, non acquirit jus Patronatus, sed dicitur benefa-
ctor. *Glos. in can. Quicumque 30. verb. aliquid XVI. q. 7.* ut verò
prædictis modis acquiratur jus Patronatus, requiritur, ut
Episcopus ad fundandam, construendam, dotandam Eccle-
siam consenserit. Nemo enim potest vel cappellam adi-
ficare sine Episcopi consensu, *juxta cap. 1. dist. 1. de consecrat.*
& cap. 25. X. de jur. patron. in verbis: cum assensu dioecesani. in-
super requirunt aliqui, ut fundans, exstruens, dotans ex-
presse sibi jus Patronatus reservent, aliàs enim liberè Eccle-
siam illam fundasse, exstruxisse, dotasse præsumunt: *Zoes.*
ad d. t. n. 4. citans covar. ad cap. possessor. part. 2. §. 10. n. 3. in
fin. ipse Pirhing autem ad d. t. n. 10. in fin. ait. non esse ne-
cesse, ut istud jus sibi reservent, sed eos illud acquirere eo
ipso, quòd Ecclesiam fundent, construant, vel dotent,
dummodo illud expressè non remiserint, prout ait ex com-
muni docere AZORIVM, GARZIAM. Aliis videtur, hac in
quæstione ante omnia consuetudines locorum esse atten-
dendas, sin autem in loco nulla sit consuetudo, quæ id de-
cideret, præsumendum pro libertate esse. Capaces autem
sunt juris Patronatus tam laici, quàm clerici, qui non speciali
jure excluduntur. *c. 3. & 25. d. t.* Nec refert mares sint, an
foemina. Nam & has juris Patronatus capaces esse per *text.*
in cap. fin. de comess. præb. cap. ex literis. cap. nobis de jur. patron. Garz.
de benef. l. p. c. 9. n. 243. evincitur. Nam & foemina fundare po-
test. Sed quid si jus Patronatus annexum sit bonis dotalibus,
an uxor, an maritus præsentare debeat? pro utraque parte
militant rationes probabiles. porrò etiam impuberes sunt
hujus juris capaces, quia potest eis deferri jus patronatus
etiam si adhuc sint in patria potestate *Pirhing d. t. n. 18.* & si
pupillas minor sit septennio, tutor ipsius nomine præ-
sentabit, sin autem major tunc præsentabit ipse pupillus
cum

cum tutoris auctoritate. Si plures sine patronis, & in presentando non consentiant, tum distinguere oportet, velenim hoc jus pertinet ad plures divisim, seu seorsim ad singulos, vel ad plures conjunctim, sive universos. Quid verò in his casibus juris sit, & obrineat, ex Cathedra occasione cap. Quoniam 3. X. de jure patronat. disertè resolver,

NOBILIS ET CLARISSIMVS

DOMINVS

ALBERTVS CHRISTIANVS
LVDWIG,

Qui Cizæ in Misnia, Anno 1703. d. 7. Septembr. primam accepit lucem, Patre, Viro Summe Reverendâ dignitate, eruditione & doctrinâ conspicuo Dn. ALBERTO CHRISTIANO LVDWIG, tunc temporis Pastore ad D. Nicolai meritiſſimo, jam vero Celsissimi atque Serenissimi PRINCIPIS *AC DVCS SAXO-GOTHANI DN. FRIDERICI II. Concionatore Aulico Primario, Confessore, & supremi Synedrii Sacri Consiliario dignissimo, eoque, per gratiam Numinis, adhuc supersistente; Matre DOROTHEA, Praefecti Pegaviensis, Dn. ABRAHAMI GRELLII, filia, praematura quidem morte pie defuncta, at in ejus locum ANNA MARIA HVSWEDELIN, secunda praeaudati Domini Parentis lectissima Coniuge, haud sine singulari Dei providentia, in locum matris feliciter successa. Ab his, a teneris, in principiis christiana veritatis ac infucata in Deum pietatis indefesse instructus, studiisque ita assuefactus fuit, ut hanc in finem per aliquot annos Cizæ, praeceptoris domestici Dn. M. THOMÆ LIEBNERI, nunc Pastoris Osterfeldensis, fidelissima informatione usus, ac dein coepta literarum humaniorum studia, praeaudato Domino parente ad aulam SERENISS. PRINCIPIS SAX. GOTHANI, dirigente D. T. O. M. vocato, in privatis adibus, ducente Dn. ERDMANNO RVDOLPHO FISCHERO, jam Archidiacono Coburgensi, ad annum ætatis decimum tertium, continuare, magno cum successu, eidem licuerit. Posthac Illustris Gymnasii Gothani alumnorum numero, GOTHOFREDO VOCKERODIO, Rectore, nunc *in aulis*, receptus fuit Noster, atque cura

curæ & industriæ ductorum atque doctorum, Amplissimo-
rum Dn. Professorum, REICHARDI, LESCHNERTI, &
FISCHBECKII, per quinquennium, commendatus fuit,
quorum doctrina fidelitate tot tantosque progressus,
ut habito ibidem solemnî Panegyrico natalitio, in laudem
summè memorati Sereniss. PRINCIPIS AC DVCIS Patriæ Parris,
DN. FRIDERICI II. cum elogio studiis Gymnasticis valedi-
xerit, & autoritate jussuque Rev. Consistorii Gothani ad
academias dimissus sit. Quo ita feliciter peractò Ao. 1722.
Alma Vitebergensis Nostrum benigne excepit, ubi studia
Philosophica haud spernendâ industriâ excoluit, eumque
in finem Amplissimi Professoris, B. STRVNZII, Collegiis,
Logico, Methaphysico, Ethico, Politico, & Juris Naturalis,
habitis iridem, bis per Septimanam, ad datas theses, cum
commilitationibus disputationibus, diligenter interfuit, jux-
ta & Excellent. VATERVM, Physicam experimentalem do-
centem, frequentavit. Quibus fructuose transactis, ani-
mum amplissimo Juris studio addixit, & Institutionum col-
legio duabus vicibus, ductu Prænobilissimi B. D. BRENDE-
LII, ad finem perducto, ejusdem Viri Jurisperitissimi colle-
gium examinatorium, summâ cum alacritate, audivit, nec
non ad ejus prælectiones, in B. STRUVII *Jurisprudentiam
Forenses*, accessit, insimul Consultiss. Dn. KRAVSH Collegiis
Pandectarum, ad *Schœpferi Compendium Juris*, item ad Ce-
leberrimi SAMVËLIS STRYKII *Examen Juris Feudalis*, &
Collegio Practico, ad Illustris JCTi GRIEBNERI *Principia Proce-
sus Judiciarii* sedulo interfuit. Ne vero in tanto studiorum
cursu subsisteret, ad Hallensem Academiam Musarum se-
dem, postea se contulit, ubi Illustris ac famigeratissimum
JCTum B. CHRISTIANVM THOMASIVM, *Virici Huberi Tracta-
rum, de civitate*, publicè explanantem audire contigit, ac re-
liquum tempus in lectionibus Excell. Dn. BÖHMERI, *Corvi-
ni Jus Canonicum* prælegentis, & in Dn. D. SCHNEIDERI
Collegiis ad *Institutiones a Gothofredo Bœnigkio editas*, item ad
Lauterbachii Compendium Juris, magna cum utilitate con-
sumsit, atque, quantum licuit, aliorum Virorum clarissi-
morum scholis, juris materias publicè explicantium, se de-
dit.

dit. A Venerabili Dn. parente demum domum avocatus, studiis nihilominus sedulo incumbere perrexit, ac dein ab Inclara Facultate Juridica Lipsiensi Notarii Publici privilegia sibi conferenda, decenter rogans, ea, publico examine peracto, obtinuit, & ad humillimas suas preces à suprema Curia POTENTISSIMI REGIS POLONIAE & ELECTORIS SAXONIAE, numero Notariorum Saxoniorum fuit adscriptus. Exantlato denique feliciter studio academico, ad Praxin & causas in foro perorandas, sese applicavit, ac pro meliori successu, summos in Utroque Jure honores capeffendi laudabile cepit consilium; Quo sine nostram perantiquam Electoralem Academicam accedens, ad rigorosum Examen à Collegio nostro admitti, modestè petiit, in quo binos assignatos juris canonici & civilis Textus tam exactè quàm solide enodando, talem omnino, qualem expectabamus, id est, dignissimum se praestitit, qui in album Candidatorum non solum recipi, sed cum laude quoque ad ulteriora specimina edenda admitti, nec non Gradu Licentiatuæ & Doctorali condecorari possit, id quod Collegii nostri unanimi quoque suffragio conclusum est. Proximâ itaque die Jovis, quæ erit XXIV. Novembr. lectionem cursoriam ad *diff. cap. Quoniam X. de jure patronat.* hâcque finitâ, Disputationem Inauguralem DE VXORE IN DONATIONE PROPTER NEPTIAS NEQUE DOMINIVM, NEQUE HYPOTHECAM TACITAM HABENTE, horis locove consuetis habebit. Quibus actibus solennibus, ut Magnificus Dominus Rector, nec non Domini Proceres & Cives Academici frequentes interesse velint, decenter invitantur, rogantur. Publicatum sub Sigillo Facultatis Jurid. XX. Novembris M DCC XXIX.

(L. S.)

(X228 2285)

VD
18

ULB Halle


3

007 436 564





ten
enfi
licia
mer
ibu
& o
irar
cul
ran
us
noc
eff
rad
C
poff
one
GG
fic
res
Sigi



24

1729, 21 ^{1/2}

FACVLTATIS JVRIDICÆ
DECANVS,
O. PHILIPPVS
Streit, JCVS,

MINENTISSIMI AC SERENISSIMI PRINCIPIS
ELECTORIS MOGVNTINI CONSILIA-
RIVS REGIMINIS,
L. B. S.

ERFORDIÆ,
Typis GROSCHIANIS, Acad. Typogr.

